



Paarma Lund Kreutzmann,
Inatsisartunut ilaasortaq, Inuit Ataqatigiit

§ 37 naapertorlugu apeqqutip nr. 090/2025-p akineqarnera

Asasara Paarma Lund Kreutzmann,

Inatsisartut suleriaasianni § 37-mi, imm. 1 naapertorlugu Naalakkersuisunut apeqquteqarputit. Apeqqutit uannut akisassanngorlugit innersuussutigineqartut qujassutigaakka. Apeqqutit issuarneqartarput tamatumalu kingorna akineqarlutik.

Ulloq: 22-07-2025
Suliap normua: 2025 - 14384
All. nr. 25527540

Postboks 1160
Oqarasuaat: 34 50 00
Fax: 34 55 05
3900 Nuuk
Email: pn@nanoq.gl
www.naalakkersuisut.gl

1. Kalaallit Nunaanni peqqissaasunut tarnimikkut artorsaatillit aammalu tarnimikkut nappaatilinnut immikkut ilisimasaqalernissamut (Psykiatrisk sygeplejerske) ilinniaqqiffissamik neqerooruteqarsinnaanissamut Naalakkersuisut suliniuteqassammaarpat?

Akissut: Naalakkersuisunit ilisimatitsissutigineqassaaq, massakkut nunatsinni tarnikkut nappaatinik peqqissaasunut ilinniarfimmik, aammalu nunatsinni tarnikkut napparsimasunut peqqissaasutut immikkut ilisimasalinnut pilersitsisoqarnissaanik pilersaarutigineqanngilaq, tamanna naatsorsuutigaaqput apeqqutigineqartoq. Taamaattumik akissuteqaammi immikkut ilisimasalinnut ilinniarfik aallaavigineqarpoq. Ilinniagaq peqqissaasunut ingerlariaqqiffiusumik ilinniarnuvoq, tamannalu 60 ECTS-it missaani annertussuseqarpoq.

Politikkikkut kissaatigineqarpoq ilinniarfinnut pisariaqartitsinermik misissueqqaartoqarnissaa, taamaalilluni immikkut suliniutinik aallartitsisoqarniassammat, ass. isumaginninnermut ilinniartitaaneq aamma peqqissaasut peqqinnissaqarfimmi sulisut.

Kalaallit Nunaanni Peqqinnissaqarfimmit paasissutissiissutigineqarpoq, massakkut kalaallit peqqissaasut tarnikkut nappaatilinnik sullissinermi peqqissaasut amerlanngitsut, taamaammat kalaallit peqqissaasut tarnikkut napparsimasunut immikkut ilinniagalinnik eqimattamik pilersitsinissamut ikippallaarput.

Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfimmit, ilisimatitsissutigineqarpoq, "Naatsorsueqqissaartarfik malillugu Ilinniartut 2022-mi ilinniarnertuunngorniarnermik naammassisimasut 49 pct. -ii ukiut marluk ingerlanerini ingerlariaqqiffiusumik ilinniarnermik aallartitsisimapput. Kisitsisaatinilu danskit ilinniarfiinut kiisalu bacheloritut ilinniarfissat 15-iusunut inuit 130-t avinneqassapput. Kisitsisillu takutippaat, inuussutissarsutigalugu sulisoqarnissamik pisariaqartitsisut ilinniaqqiffissamik nutaanik ammaanermi mattuserneqarsinnaanngitsut. Ilinniarfimmik nutaamik ammaalluni ajornartorsiut aqqinneqarsinnaanngilaq,

inuusuttummi amerlanerit toqqarunnangilaat. Ajornartorsiut allamut nuunginnassaaq. Tamanna ilinniartut ikinnerannik kinguneqarumaarpoq”.

Peqqinnissaqarfimmit kissaatigineqarpoq maani nunami peqqissaasutit ilinniartut amerlanerulissasut, aammalu Kalaallit Nunaanni Peqqinnissaqarfimmi sulisut ataavartumik sulinissaat, kiisalu ilinniaqqinnissamut pinginnaangorsaqqinnissamullu periarfissat pitsaasut attatiinnarneqassasut kissaatigineqarportaaq. Tamanna tunngavigalugu Danmarkimi nunaniluunniit allani peqqinnissaqarfimmi sulisut ingerlariaqqiffiusumik ilinniaqqinnissaannut aningaasatigut tamakkiisumik aningaasaliisoqarsinnaavoq.

Peqqinnissaqarfiup suliniutit aalajangersimasut peqqissaasunut peqqinnissaqarfimmilu sulisunut allanut piginnaangorsaqqinnissaanik periarfissillugit siunertaqartumik suliniuteqareerput.

Suliniutimmi Ilisimatusarfik aamma Syddansk Universitet suleqatigalugit kandidatimik pilersitsinissaaq aallartinneqarpoq. Tassani peqqissaasut peqqinnissaqarfimmilu suliaqartut allat professionelbacheloritut ilinniagaqartut ilinniarnerminni saniatigut peqqinnissaqarfimmi sulinerminni ukiut 4-t ingerlaneranni kandidatitut ilinniagaqarnissaminnut periarfissaqarput. Ilinniartut suliaminnut atatillugu immikkut ittumik immikkut ilinniagaqarnissartik toqqarsinnaavaat, ilaatigut tarnikkut napparsimasunut peqqissaasutut ilinniagaqarnissamik toqqaasinnaallutik. Kandidatitut ilinnialertussat siulliit 1. septembari 2025 aallartissapput.

Qanoq ililluta ataatsimoorluta nunatsinni pitsaasumik najukkami naleqqussagaasunik piginnaasaqarnissaaq qulakkeersinnaaneripput pillugu, Danskit Indenrigs aamma Sundhedsministeria peqatigalugu politikkikkut oqaloqatigineqarpoq.

a. Apeqqut aappiuppat, pisortanut aningaasatigut allaffissornikkullu kingunerisassai nassuiaqquneqarput.

Akissut: Tarnikkut napparsimasunut peqqissaasutut immikkut ilinniartitsinermik neqerooruteqarnissamik pilersaaruteqanngimmat, pisortat suliffeqarfiutaannut aningaasaqarnikkut allaffissornikkullu kinguneqartussanik piareersartoqarsimanngilaq.

2. Peqqissaasunut tarnimikkut artorsaatillit aammalu tarnimikkut nappaatilinnut immikkut ilisimasaqalernissaaq siunertarlugu (Psykiatrisk sygeplejerske) neqerooruteqartalertoqassappat suut piareersimaffigineqartariaqarpat?

Akissut: Naalakkersuisooqatigiit isumaqatigiissutaanni pingaarutilimmik anguniagassatut inuit ersinngitsumik innarluutillit katsorsarneqarnerisa nukittorsarneqarnissaat, ilaatigut inuit eqqarsartaatsimikkut nappaatillit. Suleqatigiissitap anguniagaraa inuit ersinngitsumik innarluutillit, ingammik isumaginninnermi ajornartorsiuteqartut, katsorsarneqarnerisa pitsaangorsarneqarnissaat. Massakkut peqqissaasut Danmarkimut nunaniluunniit allanut ilinniakkaminnik ingerlatitseqqinniarlutik angalasarpur. Anguniagaq tassaavoq Kalaallit Nunaata nammineq peqqissaasunik nunarput qimannagu ingerlaqqinnissamut periarfissaqarluartunik naammattunik pikkorissartitsisinnaanissaa. Tamannalu

peqqinnissaqarfimmi inissisimatinnissaannut pingaaruteqarpoq. Taamani ilisimasat najukkami ankerneqartarput aammalu nunani allani piginnaasanik annaasaqarsinnaaneq annikillisarparput. Taamaammat ikioqatigiilluni anguniagassatut pingaarnertut peqqissaasut amerlanerusut naammattullu sulisorinissai qulakkeerneqassapput.

Naalakkersuisunit, peqqissaasut nunatsinni pigiinnarneqarnissaat, nittartakkatigut ilinniaqqinnerit aamma immikkut ilinniagaqarnissamut periarfissinnerisigut qiteritinneqarpoq.

Nittartakkatigut ilinniaqqinneq naalakkersuisoqarfiit arlallit akornanni suleqatigiissasut nunani allani ilinniarfeqarfinnik immikkut ilisimasalinnut ikiuussinnaasunik isumaqatigiissuteqartoqarsinnaassasoq naatsorsuutigineqarpoq.

Pisariaqartitsinermik misissuineq suli ingerlanneqanngimmat nalunarpoq aningaasat qanoq amerlatigisut sumiiffimmut immikkoortinneqassanersut. Tarnikkut nappaatilinnik sullissinermi peqqissaasut tamarmik ingerlaqqittumik ilinniaqqissappata missingsuineq. Taamaattoq annertuumik qularutigineqarpoq.

Siullermik qulakkeerneqassaaq nunatsinni peqqissaasut ilinniartut qanoq amerlisarsinnaassanerivut aamma suliaq qanoq ingerlassanersoq, tamanna Naalakkersuisut sulissutigaat.

**a. Neqoroorteqartaleertoqassappat pilersaarusiorneq
eqqarsaatigalugu suut suliaassartaassappat?**

Apeqqut 1 aamma 2-mut akissuteqaatit takukkit.

Med venlig hilsen
Inussiarnersumik inuulluaqqusillunga



Anna Wangenheim
Peqqissutsimut Inunnullu Innarluutilinnut Naalakkersuisoq